

# Galesia Kimbi

## Polnönj Galesia yeŋgöra Kimbi alök.

### Jim-asa-asari

Polnönj Buŋa Kimbi ki Galesia prowinsgö urumelenj könagesö yeŋgöra ohoyök. Galesia prowins mi Eisia Mainö (Töki) uruŋe Rom yeŋgö bapŋine malget.

Aposol yeŋön Anutugö Buŋa keu jim sehigetka mutuk Juda tosatŋi aka könanŋep kian kantri tosatŋan mewöyök uruŋini melenget. Nalö miangörenj Juda yeŋön kapaŋ köla keu yahöt kewö jigetka lömböriyök:

- 1) “Kian kantri yeŋön Mosesgörenj Köna keugö dop Anutugö aiwesökŋi sileŋine qahö yandime ewö, yeŋön mönö urumelenj könagesö öljŋi qahö akŋe.” Anutunönj ambazip nanŋanŋgöra möwölöhöm eŋgiyöhi, yeŋgö aiwesökŋi mi sile yandiyandi. Jen 17.10–12. Polnönj mi möta “Keu mi öljŋi qahö!” jiba kewö jim kutum eŋgiyök, “Kian kantri yeŋön Jisös möt narigetka Anutunönj mötnariŋŋini miangöra aka keuŋini jim teköi solaniba urumelenj kambu öljŋi akŋe.”
- 2) Böhi takapulakaŋi yeŋön Polnönj Uŋa Töröŋanŋö ösumnönj nup meyöhi, mi memba et ala kewö jiget, “Pol mi aposol öljŋi qahö akzawaŋgöra keuŋi kude mötme.” Mewö jigetmö, Polnönj köhöiba jiyök, “Nöŋön Jisösgö Ölöwak Buŋa jiji azia aka Anutunönj meköba kuŋgum niŋgiiga aposol öljŋa maljal.” Mewö jiba Galesia yeŋgö urumelenj kambuŋi kambuŋi ahakmemegö qambaŋ keu ohoyök. Urunini melenbin ewö, mönö amqeba Kraist jöpaköba nupŋi meinga öljŋi asuhuma.

### Buk kiaŋgö bahönji bohonŋi 5 mi kewö:

Keu mutukŋi *1.1-10*

Pol ni aposol öljŋi akzal *1.11–2.21*

Anutu kalem möriamŋanŋö Buŋa keu *3.1–4.31*

Nanini imbi-imbi akinbukö soŋgo *5.1–6.10*

Kimbigö keu kötnji bohonŋi *6.11-18*

**1** <sup>1</sup>Pol nõjõn keu eraum mötpingöra Galesia urumelen kõnagesö engöra kimbi ki ohozal. Melaimelai azi akzalaᅅgö kõnaᅅi kewö: Ambazipnõᅅ aposol nupkõra qahö kuᅅgum niᅅgigetka memba maljal. Gölme azi kuᅅᅅan qahö melaim niᅅgiyökmö, Jisös Kraist aka Iwi Anutu i kõmupnõhök mem guliyõhi, yetkõn mönõ areᅅgõba aposol nup al niᅅgiyohotka kinjal. <sup>2</sup>Neᅅakurup pakpak nõmbuk kinjei, yeᅅõn ni kõtõᅅgõm niᅅgigetka kimbi ki albi Galesia prowinsnõᅅ anda urumelen kõnagesö kambuᅅi kambuᅅi engõreᅅ kaza.

<sup>3</sup>Anutu Iwinini aka Kembu Jisös Kraist yetkõn mönõ kalem möriam engiyohotka luainõᅅ malme.

<sup>4</sup>Jisõsnõᅅ nanine Anutu aka Iwi yaᅅgö numbu jitᅅi wuatangõba neᅅgö siᅅgisõndokninangõra aka malmalᅅi kõleᅅniga qeget. Nalö kewõᅅe gölmegö nalö bölõᅅe malakzini, yaᅅõn mönõ kiangõreᅅᅅök amõt qeba meköm neᅅgimapkõra aka kõmuyök. <sup>5</sup>Miangõra Anutugö qetbuᅅaᅅi nalõᅅi nalõᅅi möpõseininga tetekõᅅi qahö akõdamunᅅambuk ahõba ahõm õᅅgõma! Keu mi õlᅅa.

### **Ölöwak Buᅅa mi kude jim sohoba mondokqondokõme.**

<sup>6</sup>Nõjõn engö kõnaᅅinaᅅgõra aka aurubiga je kõtᅅi jõlᅅa. Anutunõᅅ Kraistkö kalem möriamᅅi buᅅa qem angumegõra engoholiga yambuk malgetmõ, nõjõn engõmosõtpiga tosatᅅan kaba Ölöwak Buᅅa murutᅅi jigetka nalö qahö kõriiga eleᅅda keu goᅅgoᅅi miangõreᅅ qekõtahõba eᅅololoᅅ malje. Miangõra mönõ õlᅅa auruzal. <sup>7</sup>Keuᅅini mi Ölöwak Buᅅa õlᅅi qahõpmahõp akzapmõ, ambazip tosatᅅan Kraistkö Ölöwak Buᅅaᅅi mi eᅅololoᅅ memba meleᅅqeleᅅ aketka möwõkõwõramgõiga goᅅgiza. Mewõ aiga laᅅ lilikõba ambazip kuᅅgum engigetka uruᅅinan siksauk aiga malje.

<sup>8</sup>Ambazip mewõᅅi mi yapmakek! Neᅅõn Ölöwak Buᅅa lõk jim asarim engiba malini, kuᅅᅅan mi qeapkõba buᅅa keu murutᅅi jim asaribawak ewõ, yaᅅõn mönõ Anutugö jeᅅe kõnõp siagõ buᅅaya akza. Mi neᅅgõreᅅᅅök kuᅅᅅan me Suepkõ garata kuᅅᅅan eta jibawak, mi tõndup keu mewõᅅi mönõ qahõpmahõp tem kõlme. Keu goᅅgoᅅi mi muat. <sup>9</sup>Keu mutuhök jiba malini, miyõhök mönõ dõlki kunbuk jizal: Eᅅõn Ölöwak Buᅅa lõk möt angõn kõlgeri, kunõᅅ mi qeapkõba buᅅa keu murutᅅi jim asaribawak ewõ, Anutunõᅅ mönõ i jõrahõm waᅅgiiga kõnõp sianõᅅ gema.

<sup>10</sup>Keu mewõ jizali, mi ambazipnõᅅ nek soriget nanak jeᅅine dop kõlmamgõra aka qahö jizalmõ, Anutunõᅅ nehi yaᅅgö jeᅅe dop kõlmamgõra aka mi jizal. Nõjõn gölme ambazip uru ölöwak möt niᅅgimegõra qahõpmahõp kapaᅅ kõlakzal. Toroqeba ambazip kelõk ak engiba sipkõbileᅅak ewõ, nõjõn mönõ Kraistkõreᅅ nup memamgõ osibileᅅak. Mewõ.

**Kraistnōŋ mem letot niŋgiiga aposol ahal.**

<sup>11</sup>O alaurupni, Ölöwak Buŋagö könani mi kewö möt yaköme: Buŋa keu jim asarimakzali, mi gölme azi kunŋan qahö jimbureŋ jiyöha ahöza. <sup>12</sup>Kunŋan kun mi qahö kusum niŋgiyök. Mi gölme azi kungöreŋök qahö möt aŋgön kölalmö, Jisös Kraistnōŋ nanŋak asuhum niŋgiba Ölöwak Buŋani indeliga möt asaribiga nōŋgö buŋaya ahök.

<sup>13</sup><sup>a</sup>Eŋön nōŋgö könanamni ölop mötze. Juda ambazipnōŋ Anutugö Köna keugöra urukönöp ahakzei, nōŋön mutuhök yeŋgö mötmötŋini wuatangöba yeŋgö dop aka memba malal. Mewö mala Anutugöreŋ urumelen könagesö mi engum ureiba janŋauranga mem engiba malal. Könöpŋambuk sesewerowero ak engiba mem ayuhum engimamgö esapköba malal. <sup>14</sup><sup>b</sup>Juda ambazip gwabö alaurupni qötönini mohot kota malini, nōŋön yeŋgöreŋök sehisehiŋi mi luhut al engiba Köna keugöra urukönöp aka malal. Mewö mala Juda ahakmemegö könani törörök wuatangöba amböskoninangö jimkutukutu keu etpapaköra mönö önöŋi qahö kapaj köla malal.

<sup>15</sup><sup>c</sup>Mewö aka malalmö, Anutunōŋ mutuhök nam körö uruŋeyök neka nanŋangöra möwölöhöba al niŋgiyök aka könangep kalem möriamŋangöra aka noholök. Noholöhi, yaŋön mönö nōŋgöra areŋ kewö möri dop kölök: <sup>16</sup>Yaŋön Nahōnŋangö könani nōŋgöra indeli mötmamgö möta Jisösgö Ölöwak Buŋani memba kian kantri tosatŋe anda yeŋgö sutŋine jim asariba malmamgö jiyök. Yaŋön mewö jiyöhangöra aka nōŋön wahöta könakōnahiŋeyök könahiba gölme ambazip yeŋgö goro keuŋinangöra mönö qahöpmaŋöp jaruba qesim engiba mala koral.

<sup>17</sup>Mewōŋanök Jerusalem sitinōŋ qahö öngöba melaimelai azi aposol mutuk mala kotkeri, yeŋgöreŋ qahö anda asuhuyal. Mewö qahöpmö, miangöreŋök Arebia gölmenōŋ anda mala kunbuk Damaskus sitinōŋ liliŋgöyal. <sup>18</sup><sup>d</sup>Damaskus liliŋgöbiga yambu (yara) karöbut teköiga “Pitö eka möt kutumam,” jiba Jerusalem sitinōŋ öngöba yambuk sömaŋi 15 miangö dop malal. <sup>19</sup>Miangöreŋ malalmö, melaimelai azi aposol tosatŋi i qahö eŋgehal. Kembangö munŋi Jeims iyök ehal.

<sup>20</sup>Miangöra mötket, keu ohom engizali, mi keu ölni akza. Muneŋi kun qahö. Keu mi Anutugö jemesoholŋe jizal.

<sup>21</sup>Jerusalem mosöta Siria aka Silisia gölmenōŋ anda miri tosatŋi liliköba malal. <sup>22</sup>Mewö anda malalmö, Judia prowinsgö urumelen könagesö kambuŋi kambuŋi Kraistpuk qekötahöba kinjei, yeŋön qahö nekerangöra nalö miangöreŋ ni qahö möt kutum niŋgiba malget.

<sup>23</sup>Nōŋgöreŋ buzup keu kewöyöktöp yeŋgö kezapŋine geiga mötket,

<sup>a</sup> 1.13 Apo 8.3; 22.4-5; 26.9-11    <sup>b</sup> 1.14 Apo 22.3    <sup>c</sup> 1.15-16 Apo 9.3-6; 22.6-10; 26.13-18

<sup>d</sup> 1.18 Apo 9.26-30

“Mutuk sesewerowo ak nenngiba malöhi, yanjon mönö letota malja. Mötnarip keu ayapkömapköra janngauranga mem nenngiyöhi, yanjon nalö dölkewöne nanjak keu miyöhök jim asarimakza.” <sup>24</sup>Mewö möta nöngöra aka Anutu möpöseim wanggiba malget. Mewö.

### Aposol yanjon Pol örögetka sutjine kayök.

**2** <sup>1</sup>Miangö andöne yambu (yara) 14 teköiga miangörej “Barnabasbuk Jerusalem sitinöj kunbuk öngömam,” jiba Taitus mewöyök wanggitpiga mohotje öngöin.

<sup>2</sup>Anutunöj mutuk nöngöra asuha anmamgö keu indelöhangöra aka yetpuk anda Jerusalem angota nupnanjö könaji jim asarim engial. Nup pöndañ memba kota maljali, miangön aposol yanngöra qahö dop köliga nupnanjö ölñan eta qeiga pöröpköbapuk. Mewö mötmöriba kösohotni ambazip omañi yanngöra laj qahö jialmö, jitjememeurupnini göda qem engimakzini, iyök öröm engibiga tokoget. Tokogetka miangörej Ölöwak Buña kian kantri sutjine liliköba jim sehimakzali, mi aukje al engibiga mötket. <sup>3</sup>Yanjon mi möta “Ölöp!” jiget. Mewö jiba nenjakni Taitus Grik azi yanjon nömbuk malökmö, töndup ketanjaninan Anutugö aiwesökñi sileje yandimegö qahö jim kutum wangiget. Juda nenngörej Köna keu mi qahö al köhöim wangiget.

<sup>4</sup>Juda ketani yanjon qahöpmö, tosatñan sileñi yandibingö möta sutje sutje kunguba jigeri, böhi takapulakani miengö könanini kewö: Yanjon “Urunini melenjin,” jiba mewö möndöba nenngö könanini ek kutumegöra ölñ janjan kaba ala tandök sutnine kangota malget. Nini Kraist Jisösbuk qekötahöinga malmal walñangö kösönöhök pösat nenngiiga solanji maljini, miangö silikñi ek kutumegöra kinget. Yanjon nenngöra kewö möta köpösöngöget: Ölöp malgetka engömeinga nanine sel uruje kagetka Mosesgö Köna keu bapje al engiinga nanine welenqeueurupnini akje. <sup>5</sup>Mewö köpösöngöba metal nenngigetmö, nenjon mönö Ölöwak Buñagö keu ölñan lolonqalon akapüköra kinjin. Mi engö sutjine kahaimök ahöm köhöimapköra kinjin. Miangöra nalö kunöj qahö löwöriba keunjanangö bapje anbingö qahöpmahöp imbi köl wanggiin.

<sup>6</sup>Totokonöj nöngö Buña keuni jim asaribiga jitjememe yanjon “Ölöp!” jiba nöñon keu kun toroqeba jimamgö qahö jiget. Azi mi ipñina aketka göda qem engimakze. Qetbuñanini mewö me mewö akzawi, nöñon miangö mötpi dop mohot akza. Anutunöj ambazip tosatñi qahö nengek soriba tosatñi qahö qepureim engimakza. Dop mohotnöj kewöt nenngimakza. <sup>7</sup>Buña keuni qahöpmahöp utekögetmö, Anutugö nup areñi miangöra mönö “Aha!” jiba kewö ek asariget: Anutunöj möt narim nenngiba Ölöwak Buña jim asaribingö nupñi mi kewö mendernök:

° 2.1 Apo 11.30; 15.2    † 2.6 Dut 10.17

Nöñön mi kian kantri sutjine jim sehibiga Pitönöñ Buña keu miyök Juda könagesö yeñgöra jim asariba uruñini kuñgum eñgimakza.

<sup>8</sup>Nupji mewö mendeñda aposol Pitö inahöm wañgiiga Juda azi sileñjini yandigeri, yeñgö sutjine urukuñgukuñgu nup memakza aka ni mewöñanök inahöm niñgiiga melaimelai azia aka kian kantri sutjine liliköba nup miyöhök memakzal. <sup>9</sup>Miañgöra Jeims, Pitö aka Jon, azi ipñi qetbuñañinambuk yeñön Kembunöñ kalem möriam mewöñi niñgi malali, keu mi möt kutugetka urumohot ahin. Nup mewö mendeñda miañgö kaisöpsöpña Barnabas niri böröniri qegetka kewö jim köhöinin, “Niri kian kantri yeñgöreñ anda nup meziga nanñini Juda könagesö yeñgö sutjine toroqeba nup memakje.” <sup>10</sup>Mohot-kungöra qesim netkiba kewö toroqeba jiget, “Ambazip wanapñi bauköm eñgibitköra mönö toroqeba mötmöriba malmahot.” Mewö jigetka mönö mewöyök ak eñgimamgö kapañ köla maljal. Mewö.

### **Polnöñ Pitö qetala jim wañgiyök.**

<sup>11</sup>Mewö jim köhöininmö, Pitönöñ Antiokia sitinöñ kaba möñaqöñai aiga ambazip uruñinan gwötpuk böliyök. Miañgöra Pitönöñ kaiga ehali, nalö miañgöreñ mönö jeñe kuñguba kewögöra tuarenjoñ ak wañgial: <sup>12</sup>Pitönöñ mutuk kian kantri yembuk mala nene mohokje nempa malgetmö, azi tosatñan Jeims mosöta Jerusalemök kagetka miañgö andöñe ambazip mi eñgek siriköba tikeptikep kinök. Anutugö aiwesökñi sileñjine yandiget yeñgöra keñgötñi möta ziriñzirij aka Juda kambu yembuk qekötahöba malök.

<sup>13</sup>Mewö kian kantri ambazip mi ölan eñguba koñgwarak aiga Juda urumeleñ ambazip tosatñan mewöyök Pitöbuk qekötahöba silesile silik aket. Silesile silik aka Barnabas mewöyök örogetka yembuk jañjuñ ahök. <sup>14</sup>Mewö aka ahakmemeñinan Buña keu ölni diñdiñanök qahö wuatangögeri, nöñön mi eka ambazip körek yeñgö jemesoholjine kinda kewö jial, “Pitö, gi Juda aziapmö, töndup kian kantri yeñgö ahakmemeñini wuatangöba maljan. Nangak Juda nanine ahakmeme qahö wuatangöba töndup kian kantri ambazip mi wuatangöba kinmegöra kuñgum eñgiba urukönöp ahakzan? Mi qahö dop kölja.” Mewö.

### **Juda aka kian kantri neñön Anutugö jeñe öröröñ akzin.**

<sup>15</sup>Juda asuhuba urunini meleñnini, neñön mönö kian kantri ambazip siñgisöndokñinambuk qahö aka maljin. <sup>16</sup><sup>s</sup>Mewö maljinmö, amötqeqegö könanji mi kewö ahöi möt yaközin: Jisös Kraist möt nariinga keunini jim teköi solanizin. Kunjan Köna keu wuatangöba mewö miañön solanji qahö akña. Miañgöra neñön tok solanji akingö möta Kraist

<sup>s</sup> 2.16 Sum 143.2; Rom 3.20, 22

Jisös möt narim wangiinga keunini jim teköi solaniin. Mi Köna keu tem kölbinahaŋgöra aka qahö.

<sup>17</sup>Mewö Kraist qekötahöba Anutugö jeŋe solanibingö kapan kölinga Anutunöŋ töndup miwikŋaim neŋgiiga naninak kantri tosatŋi tandök siŋgisöndokninambuk maljin ewö, Kraistnöŋ mönö siŋgisöndok akingö nam köl neŋgiza me qahö? Qahöpmaöhöp! Keu mi yapmakek! <sup>18</sup>Köna keu wuatangöba solanŋi akingö keuŋi lök köndeŋda qeapköyal. Qeapköyalmö, mi kunbuk esapköba jim kuŋgubilerŋak ewö, mönö Köna keu miyök qetala siŋgisöndok azia aka könaŋamni kunbuk mewö miwikŋaibilerŋbuk. <sup>19</sup>Mutuk könaŋamni mewö miwikŋaiba Köna keugöra aka kömukömuŋi tandök ewö ahal. Mewö akiga Köna keunöŋ mönö qahö toroqeba galöm köl niŋgiiga solanŋi maljal. Nöŋön malmalni Anutugöreŋ albiga Kraistpuk maripomnöŋ nuŋguget ewö kömumba kinda yambuk köhöiba maljal.

<sup>20</sup>Miaŋgöra nanak qahö toroqeba maljalmö, Kraistkö Uŋaŋan mönö nöŋgö urune köhöiba malja. Kraistnöŋ uru jöpaköm niŋgiba malmalni nöŋgöra köleŋda sohopni meyök. Miaŋgöra toroqeba silebuk malmal malmami, mi mönö Anutugö Nahönŋi möt narim wangiiba malmam. <sup>21</sup>Köna keu wuatangöba mewö miaŋön solanŋi akinak ewö, Kraistnöŋ mönö öne töhön kömumbawak. Kömuyöhi, mi möt nariba Anutugö kalem möriamŋi mewö qahö qeapkömakzal. Miaŋön mönö nam köl neŋgiiga solanimakzin. Mewö.

### Köna keugörök kinme me Jisös möt narime?

**3** <sup>1</sup>O Galesia kahapmahap ambazip, uruŋini qahö! Nöŋön Jisös Kraist maripomnöŋ qegeraŋgö könaŋi mi jeŋine ala jim kondel eŋgialmö, kunŋan nöŋgö andöne kaba kahalalom mem eŋgiiga janjuŋ akze. Mi qahö dop kölja. <sup>2</sup>Yuai mohot-töp qesim eŋgibiga jiget mötmamgö mötzal: Eŋön Uŋa Töröŋi mi mönö denöwö aka buŋa qem aŋguget? I Köna keu wuatangögeraŋgöra aka qahöpmö, Ölöwak Buŋa möta Jisös möt narigetka Uŋa mi uruŋine ali buŋa qem aŋguget. Nöŋön keu mia ölum eŋgubapüköra kinda uruŋini kuŋguzal. <sup>3</sup>Mia ölum eŋguyök tandöktandök melenŋa mötmötŋini mosöta kahalalom akze. Mutuk Uŋa Töröŋan uruŋine geba inahöm eŋgiiga könaŋi könahiba anetmö, kunbuk Mosesgö Köna keugö könaŋe geba anakze. Nalö kewöŋe nanŋini ösum qakŋe solanŋi akingö esapkömakze me? Ösumŋini miaŋön mönö qahö dop kölja.

<sup>4</sup>Kraistköra aka sihimbölö gwötpuk ak eŋgigetka qakŋine öŋgöyöhi, mi mönö öne töhön möta bisiba malget me? Öljä qahö aiga mi mönö öljä öne töhön bisiget. Miaŋgöra iŋini mönö uruqahö ambaziwa malje. <sup>5</sup>Miaŋgöra Anutunöŋ Uŋa Töröŋi eŋgiba sutŋine aŋgöletot ösum-mumuŋambuk memakzawi, mi eŋön Buŋa keuŋi möta Jisös möt

narimakzeanğöra aka memakza. Köna keu wuatangömakzeanğöra aka mi qahö memakza. Qahö. Keu mi kude ölum enguma. Mewö.

### Abrahamgö köna wuatangöinga dop kölma.

<sup>6</sup>Keu miangö dop Anutunöŋ Abraham ak wanğiiga mi Buŋa keunöŋ kewö ohoget ahöza, “Abrahamnöŋ Anutu möt narim wanğiiga eka keunji jim teköiga solaniyök.” <sup>7</sup>Miangöra Abrahamgö könanji mötmöriba kewö mötme: Denike yeŋön Anutu möt narimakzei, yeŋön mönö Abrahamgö undumurupŋi aka malje. <sup>8</sup>Anutunöŋ qeljiŋe areni kewö alök, “Ambazip Juda qahö yeŋön ni möt narim niŋgigetka keunji jim teköbi solanime.” Areni mewö ala miangö dop Abrahamgöra Ölöwak Buŋa keu qeljiŋe kewö jii mörök, “Göhöra aka nöŋgö kötuetnan mönö gölmegö ambazip kambu pakpak yeŋgö qakŋine öŋgöma.” Tosatŋan keu mi qeljiŋe ek asariba Buŋa keunöŋ ohoget. <sup>9</sup>Abrahamnöŋ Anutu möt narim wanğiiga kötuetköm wanğiiga mötnaripkö bömönjalöŋi ahök. Miangö dop denike yeŋön Abrahamgö dop möt narizei, Anutunöŋ i mewöyök kötuetköm enğiiga Abrahamgö undumurupŋi akŋe.

### Jisösnöŋ salupnine qesuahöp buŋa qem anğuyök.

<sup>10</sup>JMewö akŋemö, körek yeŋön Köna keu wuatangöba miangö qakŋe nariba maljei, Anutunöŋ mönö jörahöm enğiiga malme. Keu mi Buŋa keunöŋ kewö ohoget ahöza, “Köna keu Kimbinöŋ keu pakpak ohoget ahözawi, kunŋan kun mi körek qahö tem köla wuatangömakzawi, Anutunöŋ mönö i qesuahöm wanğiiga malma.” <sup>11</sup>Keu mi Buŋa keu kun kewö ohoget ahöza, “Ambazip solanji kungö mötnaripŋan mönö nam köl wanğiiga köhöiba malma.” Miangöra kunŋan Köna keu wuatangöba miangö solanji akŋamgö mötzawi, yanğön mönö Anutugö jeŋe qahö solanima. Qahö. Keu mi lök aukŋe kondel enğibiga teköza. <sup>12</sup>Mötnaripnöŋ Mosesgö Köna keu qahö nam kölja. Keu miangö jöjöpäŋ keu pakpak tem köl teköbingöra urunini kuŋgumakza. Köna yahöt mi nanğök nanğök. Köna keugö könanji mi kewö jii ohoget ahöza, “Köna keu pakpak tem köla wuatangömakzawaŋön mönö köhöiba malma.”

<sup>13</sup>MKöna keu qahö walöŋbinak, mewö malmal köhöikŋi miwikŋaibinak. Mewömö, Anutunöŋ nini nanŋi Köna keunğangö dop qesuahömamgö tököba Kraist melaiiga alabauknini aka sohpnini meyök. Buŋa Kimbinöŋ keu kun kewö ohoget ahöza, “Ambazip ip kemaŋe möndöm enğizei, Anutunöŋ mi körek qesuahöm enğiiga malje.” Miangö dop Kraist ipnöŋ möndögetka nanini salupnini aiga Anutunöŋ qesuahöm wanğiiga mewö miangö sohpnini meyök. Jöramörahöp nengö qaknine öŋgöyöhi, mi qeköyök.

<sup>h</sup> 3.6 Jen 15.6; Rom 4.3, 7; Rom 4.16    <sup>i</sup> 3.8 Jen 12.3    <sup>j</sup> 3.10 Dut 27.26    <sup>k</sup> 3.11 Hab 2.4  
<sup>l</sup> 3.12 Lew 18.5    <sup>m</sup> 3.13 Dut 21.23

<sup>14</sup>Bömönini Abrahamnönj Anutu möt nariiga kötuetköm wanjiyöhi, miangö dop kötümötuet miangön kian kantri pakpak dop köla yengö buñajina akñapakö mörök. Mewö möta körek nenjö sohohnini meyök. Sohohnini meiga Kraist möt nariinga köna kewö ahuma: Anutunönj Uñaji nenjimangö keunji jöhöyöhi, nini urunini melenja Uña mi ölop buña qem angubin. Mewö.

### **Köna keu aka oyaenköyaen akingö jöhöjöhö keu**

<sup>15</sup>O urumelenj alaurupni, nöñön gölmenönj malmalgö söpsöp keunji kun kewö jimam: Kunönj börösamotñi tosatñi yengö buñajina akñapakö keunji kambunönj jiiga jöhögetka ahözawi, mi kunñan kun qeapköba könañgep keu kun qakñe toroqemangö osima. <sup>16</sup>“Mötket, Anutunönj jöhöjöhögö keunji mi Abraham aka yangö gwölönarökñi yetköra jiba jöhöi ahöza. Buña keu miangön “gwölönarökurupki” nenjöra gwötpuk tandök ewö qahö jizapmö, azi mohotkö tandököra kewö jiza, “Mi göhö gwölönaröki wanjimam.” Azi mohot mi Kraist.

<sup>17</sup>Keu miangö könañangöra kewö jizal: Jöhöjöhögö keu miangö öljän mönö etmapkö osima. Anutunönj mi mutuhök jiba jöhöba yambu (yara) 430 teköiga miangörej Köna keunji miwikñaiba Moses wanjiyök. Köna keu miangön mönö jöhöjöhö keunji mutuk jiyöhi, mi qeapkömamgö osima. <sup>18</sup>Oyaenköyaen akingö kötümötuetñi mi Köna keu wuatangöba miwikñaibinak ewö, Anutugö jöhöjöhö keugöra qahö toroqeba osinga öne töhön ahöbapuk. Buña keunji Abraham wanjiyöhi, mi öne töhön qahö ahöyökmö, Anutunönj keunji miangö dop Abraham kötuetköm wanjiiga oyaenköyaen ahök.

<sup>19</sup>Abraham öne kötuetköm wanjiba Köna keu mi mönö denöwögöra ali ahöza? Miangö könañi kewö: Ambazipnönj köna ongita janjuñ aka malgerangöra Anutunönj Köna keu mi könañgep toroqeba jim miwikñaiyök. Jim miwikñaiiga Suep garata yengön mi memba eta alabauk azi (namel man, mediator) Mosesgöra indela böröñe algetka Anutugö jitñe memba ambazip sutnine kinda jim kutuyök. Köna keu miangön nalö dop ahöm öngöba galöm köl nenjimapköra aka qahöpmö, könañgep Köna keugö ösumñan etmapköra mi nenjiyök. Abrahamgö gwölönarök kungö jöhöjöhö keunji nenjiiga azi miangön asuhuyöhi, nalö miangörej Köna keugö ösumñan eri teköyök.

<sup>20</sup>Alabauk azi yanñön Anutu aka ambazip sutnine kinda keu nup memakza. Anutunönj jöhöjöhö keunji mi alabaukñi qahöpmö, mönö nanjak Abraham wanjiyök. Miangöra oyaenköyaen akingö jöhöjöhö keunji mi öngöñgöñi aiga Köna keunji miangön nemböñi akza. Mewö.

### **Köna keugö nupñi öljñ mi denöwö?**

<sup>21</sup>Mewö aiga Köna keu aka oyaenköyaen akingö jöhöjöhö keu mi auzahot me qahö? Saumbañ! Anutunönj mal köhöibingö Köna keunji

<sup>n</sup> 3.16 Jen 12.7   ° 3.17 Eks 12.40   P 3.18 Rom 4.14



neŋgibawak ewö, mönö ölna Köna keu wuatanggöba Anutugö jeŋe solanŋi akinak. Miaŋgöra keu yahöt mi qahö auzahot. <sup>22</sup>Qahöpmö, keu yahöt mi nanŋök nanŋök. Anutunöŋ jöhöjöhö keunŋi mi mötnarip ambazip oyaenŋkoyaen ak neŋgimanggöra aka ali ahöza. Jöhöjöhö keu miaŋön Jisös Kraist möt narizini, mönö neŋgöreŋ ölnambuk akŋapköra möta kewö areŋgöba jiyök, “Siŋgisöndok ambazipnöŋ urunini qahö meleŋme ewö, mönö öne töhön Anutugö jeŋe qahö solanime.” Miaŋgö könaŋi mi Buŋa keunöŋ kewö jii ahöza, “Siŋgisöndoknöŋ mönö gölme dop ambazip pakpak gwaröhöm neŋgiiga maljin.”

<sup>23</sup>Mutuk urunini qahö meleŋninga mötnaripninan qahö asuhuiga Köna keunöŋ jöhöba galöm köl neŋgiba gwarö uruŋe misim neŋgiyök. Könaŋep Anutunöŋ mötnaripkö könaŋi indeli asuhuyöhi, nalö miaŋgöreŋ kösö gwarö malmalninan teköyök.

<sup>24</sup>Mewö taringa Köna keunöŋ mönö böhinina aka Kraistkö könaŋi mötŋingöra kusum neŋgimakza. Böhi leuam kusum enŋgigeri, miaŋgö dop keu miaŋön mönö neŋguaŋgita solanŋi akingö mindiŋgöba galöm köl neŋgimakza. Mewö aka Kraistkö könaŋi möt asariba möt narim waŋgiinga keunini jim teköi solanibingöra kuŋgum neŋgimakza. Urunini meleŋninga böhigö nupŋan mönö nalö miaŋgöreŋ teköza. <sup>25</sup>Urunini meleŋninga mötnaripninan asuhuiga Köna keu bapŋe qahö malinga miaŋön böhi ewö qahö toroqeba galöm köl neŋgimakza. Mewö.

#### **Anutugö nahönböratuŋŋi aka maljin.**

<sup>26</sup>Körek enŋön mönö Jisös möt narim waŋgigetka ahuahu dölökŋi enŋgiiga Anutugö nahönböratuŋŋi aka Kraistpuk qekötahöba kinje. <sup>27</sup>Kraistpuk kinmegöra o melun mem enŋgigeri, körek enŋön mönö Kraist möt anŋön köla miaŋön maluku tuatŋi ewö esuhum anŋuba yambuk qekötahöba kinje. <sup>28</sup>Iŋini körek pakpak Kraist Jisösbuk qekötahöba kingetka mindirim enŋgiiga mohot aka malje. Miaŋgöra Juda aka kantri tosatŋi enŋön Anutugö jeŋe kambu yahöt mi kunbuk qahö akze. Nanŋini nupŋini memakzei aka welenqeŋe omaŋi akzei, Anutunöŋ enŋgehiga kambu yahöt qahö toroqeba akze. Azi ambi enŋön Anutugö jeŋe kambu yahöt qahö toroqeba akze.

<sup>29</sup>Iŋini Kraistkö buŋaya akze ewö, mönö Abrahamgö gwölönarökŋi yaŋgöreŋök ahuba tinibaniuŋŋi malje. Mewö ahuba jöhöjöhö keuŋaŋgö ölni oyaenŋkoyaen mi buŋa qem anŋumeaŋgö dop akze. Mewö.

#### **Neŋön Kraistköra aka Anutugö nahönböratŋi ahin.**

**4** <sup>1</sup>Keu mi toroqeba könaŋi kewö jimam: Nahönöŋ iwiŋaŋgö börösamotŋi buŋa qem anŋumawaŋgö dop akzapmö, morö gwabö

<sup>9</sup> 3.29 Rom 4.13

mala nalö miangörej welenqege omañi yembuk öröröñ tandök akza. Iwiñangö börösamot yuai pakpak toñi akñapmō, tōndup welenqege yengö qöhöröñine alañina aka nup töwañi qahō memakza.

<sup>2</sup>Mewō morō mala galōmñi yengö nembō bapñine kiniga yeñōn malmalñi pakpak arengōba galōm kōla jim kutum wañgimakze. Iwiñan nalö al wañgii kam kuñgumawi, miangörejök kōnahiba nanñak börösamot toñi aka malma. <sup>3</sup>Nanini mewōñanök mutuk urugö likepñe morō gwabō ewō malin. Nalö miangörej bem suahō galōm Suep gölme sutñire yuai pakpak galōm köl eñgimakzei, mienñōn mönō nini mewōyök galōm köl neñgigetka öne yengö welenñini qeba nembōñini bapñe malin.

<sup>4</sup>Mewō malinmō, Anutugö nalōñan kam kuñguiga Nahōññi melaiiga ambigōrejök asuhuyök. Juda neñgö Kōna keu bapñe malmangōra asuhuyök. <sup>5</sup>Kōna keu bapñeyök pōsat neñgiba sohōpnini memamgōra asuhuyök. Mewō Anutugö nahōnbōratuñi aka buñaji möt añgōn köl tekōba maljin.

<sup>6</sup>Mewō Anutugö nahōnbōratñi akzeañgōra aka Anutunōñ Nahōññangö Uñaji melaiiga urunine geba kewō qerakza, “O Aba Iwini!”<sup>s</sup> <sup>7</sup>Mewō qerakzawañgōra aka qahō toroqeba welenqege omañi akzanmō, Anutugö nahōnbōratñi aka maljan. Mewō maljanangōra aka Anutunōñ oyañkoyañ Buñaji gihiiga buña qem añguba galōm kōla malman. Mewō.

### Polnōñ Galesia yengōra waimañat mörök.

<sup>8</sup>Iñini mutuk Anutu qahō möt kutuba malget. Nalö miangörej tandō lopioñ aka bem suahō galōm bem öñangö malmalñi qahō memba maljei, mi töwañini qahō welen qem eñgiba etqeñi malget. <sup>9</sup>Mewō malgetmō, uruñini meñda nalö kewōñe Anutugö kōnañi möt kutuba malgetka Anutunōñ möt kutum eñgiiga malje. Anutunōñ möt eñgizawi, keu miññōn bohōññi ak eñgiza. Mewō maljemō, wuanōñgōra dumñe kunbuk bem suahō galōm yuai pakpak galōm kölakzei, mönō yengōrej meñda mesohol köl eñgiba malje? Bem suahō galōm mi ösumñini eretñi akzemō, eññōn mönō tōndup mi welen qem eñgiba etqeñi akingö sihimñi mötze. Mi qahō dop kölja.

<sup>10</sup>Mi welen qem eñgiba kendon tatat nalö kōnañi kōnañi mi mötket öñgōiga törörök wuatangōmakze. Sabat kendon tarakze. Köiñ dölökñi koriga bemñini mötmōriba köiñ dop söñgaimakze. Yambu jeñiqe qe söñngai aka söñngai tosatñi mi yambu (yara) dop törörök wuatangōmakze. <sup>11</sup>Nōññōn eñgōra aka keñgōtni kewōgōra mötzal: Nōññōn eñgō sutñine nup membiga öññi qahō ahuiga öne töhōn sileqege akileñbuk.

<sup>r</sup> 4.5-7 Rom 8.15-17    <sup>s</sup> 4.6 Aba mi Arameik keunōñ Iwi.

### Galesia yeñön Pol andö qebingö aket.

<sup>12</sup>O urumelenj alaurupni, nõñön kewö kuñguba qesim eñgizal: Nõñön injini ewö aka malalañgöra eñön mõnõ nõñgö dop akñe. Yuai bölöñi kun kude ak niñgiget. <sup>13</sup>Nõñön mutuk eñgöreñ kaba kawöl nõhöi sileni eri malali, kõnañi mewögöra tata Ölöwak Buña jim asaribiga mötket. Eñön mi möt kõmuze. <sup>14</sup>Nõñön sile-eret malbiga andö nuñgubingö esapesapñi miwikñaiget, mi mötzalmö, tõndup qahö jijiwilit aka qepureim niñgiget. Mewö qahöpmö, ni neketka Anutugö garata ewö akiga nõmeget. Opopoñ, nõñgöra Kraist Jisös nanñangö tandök mötmöriba öröm niñgiba “Owe owe!” jiget.

<sup>15</sup>“Owe owe!” jiba silene pölpöl qeba je kötñini uzula niñgibingö mötketmö, mi qahö dop kõliga mosötket. Eñgö kõnañamñini möta mi ölña mewö nañgöba jizal. Yei! Nalö miangöreñ jim sösöñgai önöñi qahö akeri, mi mõnõ denöwögöra nalö kewöñe qahöwahi öne malje? Mi qahö dop kõlja. <sup>16</sup>Eñgöra Buña keu ölñi jimakzalañgöra mõnõ kerök ak niñgize me?

<sup>17</sup>Ambazip tosatñi mienñön eñgöra aka urukönöp ahakzemö, mi urukönöp ölöñi qahö. Mi ölöñi qahöpmö, yeñön injini neñgöreñök eñguañgita sutnine jabö ala tököm niñgimegöra mötze. Mewö mendenj neñgigetka urukönöp qakñe nanñini nañgöm eñgimegöra kapañ kölakze. <sup>18</sup>Injini ahakmeme ölöñi akñegöra urukönöp ahakzei, mi mõnõ qetpuk. Nõñön eñgö sutñine malbiga nalö miangöreñök qahöpmö, mõnõ nalö dop mewö aketka dop kõlma.

<sup>19</sup>O gömokurupni, ni ahuahu dölökñi ahumegöra masö tandök nuñguiga sihibölö mörali, miyöhök mõnõ dumñe kunbuk mötzal. Kraistkö ahakmemeñan eñgöreñ ahum kutumapköra sihibölö mi möta maljal. <sup>20</sup>Nõñgö urunan mõnõ eñgöra aka lalalulu siksauk akza. Miangöra nõñön nalö kewöñe eñgö sutñine malmamgö mötkurumkurum akzal. Embuk mala keu imbini memba eta ala keu ösöñ jimamgö ak niñgiza. Mewö.

### Hagar aka Sara yetkö söpsöp keuñiri

<sup>21</sup>Tosatñi eñön Juda neñgö Kõna keu Kimbi wuatangöbingö mötzemö, keu miangö kõnañi mi ölña möt kutuze me qahö? Kõnañi mi möt asarimegöra qesiba kuñgum eñgizal. <sup>22</sup>‘Buña keu kun kewö ohoget ahöza: Abrahamgö nahönyahötñi yahöt ahuyohot: Kun welenqeçe ambi etqeçeñan (sleiw) meyök aka kun mi nanñi songgojarinj anömñi solanñi (fri) malmalñan meyök. <sup>23</sup>Welenqeçe ambinöñ nahönñi meyöhi, miangön morö ahuahugö kõnanöñ ahuyökmö, kun ambi solanñi (fri) malmalñan

<sup>†</sup> 4.22 Jen 16.15; 21.2

meyöhi, yañon Anutunöŋ morö nahön ahumapkö keu jöhöyöhi, mönö keu miangö ölnan asuhumapköra ahuyök.

<sup>24</sup>Keu miangö könani mi tölapni. Ambi yahöt mi Anutunöŋ ambazip nembuk jöhöjöhö areŋ yahöt alöhi, mönö mietkö söpsöpŋira. Jöhöjöhö areŋ kun mi Sainai (Sinai) kunduje alöhi, miangö söpsöpni mi ambi qetŋi Hagar. Ambazip jöhöjöhö areŋ mi wuatangömakzei, yeñon mönö Köna keugö jimkutukutu bapŋe malje aiga gwölönarökurupŋinan keu miangö welenŋi qemakŋegöra ahumakze.

<sup>25</sup>Hagar mi Sainai kunduni, Arebia gölmenöŋ kinjawanöŋ söpsöpni akza. Sainai miangö alaŋi mi Juda gölmegö siti qetŋi Jerusalem. Siti miangö könagesögö ketani moröni yeñon nalö kewöŋe Köna keu bapŋe malgetka jöhöm enŋii solanŋi (fri) qahö akze. Miangöra dopŋiri mohok akzahot.

<sup>26</sup>Solanŋi (fri) qahö akzemö, Jerusalem siti kun euyangöreŋ maljei, yeñon mönö kösö gwaröŋini qahö solanŋi malje. Neŋgö namnini Sara yañon mönö siti miangö söpsöpni akza. <sup>27</sup>“Miangö kezapqetok keuŋi mi kewö ohoget ahöza,

“Ambi azinöŋ ölan qeyöhi, yañon mönö nahönbörat enŋömiiga sehigetka mewö ambi apŋambuk mi luhut alma.

Miangöra ambi köpin morö qahö menöŋi, gi mönö töndup söŋgaiba malman.

Masö qahö guhui malnöŋi, gi mönö töndup qet gigilahöba morö ahumapköra köiraŋ ala malman.”

<sup>28</sup>O urumeleŋ alaurupni, iŋini mönö Aisakö dowa Anutugö jöhöjöhö keuŋan nam köl enŋiiga ahuahuhö dölökŋi ahuba malje. <sup>29</sup>“Nalö miangöreŋ morö ahuahugö könanöŋ ahuyöhi, yañon munŋi Uŋa Töröŋan nam köl waŋgiiga ahuyöhi, mi sesewerowero ak waŋgiba malök. Nalö kewöŋe mewöŋanök sesewerowero mewöŋi mi ahöza.

<sup>30</sup>“Mewö ahözapmö, Buŋa keu kun mi toroqeba kewö jigetka ahöza, “Welenqeŋe ambigö nahönŋan mönö Iwiŋangöreŋ börösamotŋi qahö mema. Ambi solanŋi malmalŋi yaŋgö nahönŋambuk mi mohotŋe qahö mendeŋda aŋgön kölmahot. Miangöra welenqeŋe ambi etqeŋeŋi mi mönö közölnöŋga nahönŋambuk anmahot.” <sup>31</sup>O urumeleŋ alaurupni, söpsöp keu mewöŋangö dop neñon mönö welenqeŋe ambigö undumurupŋi gwaröŋinambuk qahö akzinmö, ambi solanŋi malmalŋangö undumurupŋi akzin. Miangöra loloŋqaloŋ ahakmeme mi közölme. Mewö.

### Lolongöba Kraistpuk kinkin solanŋe kinme.

**5** <sup>1</sup>Kraistnöŋ Köna keu bapŋeyök pösat neŋgiiga solanŋi maljin. Mewö mala tosatŋan iŋini kunbuk öröba Köna keugö mötöpŋöŋ<sup>x</sup> jöhöm

<sup>u</sup> 4.27 Ais 54.1    <sup>v</sup> 4.29 Jen 21.9    <sup>w</sup> 4.30 Jen 21.10    <sup>x</sup> 5.1 Ip kemaŋi (yoke) mi bulmakau yahötkö jölnire ala jöhögetka mindirim etkiiga miangöŋ mohotŋe kare me gölmeqeŋegö kinöŋ örömakzahot. Miangö dop Köna keu gwaröŋöŋ maljan ewö, nupŋi mönö töp meman.

enġibepukōra mōnō galōm mem aṅguba malme. Welenqece omani ewō akepekōra mōnō kōhōiba bōṅ qeba kinme.

<sup>2</sup>Mōtket! Pol nōṅōn kewō jibi mōtket: Tosatṅan Anutugō aiwesōkṅi sileṅine yandimegō mōtketka imbi kōlme ewō, Kraistnōṅ mōnō baukōm enġimamgō osima. <sup>3</sup>Keu mi toroqeba kewō naṅgōba jimam: Azi pakpak sileṅine aiwesōk yandimegō mōtketka imbi kōlmei, yeṅōn mōnō Kōna keu pakpak tem kōla wuatāṅgōme. Mi qahō wuatāṅgōgetka qahō dop kōlma. <sup>4</sup>Kōna keu tem kōla wuatāṅgōba mewō miaṅōn solanṅi akingō mōtzei, eṅōn mōnō Kraistkō selṅi qōsōkōba yambuk qahō toroqeba kinje. Eṅōn mōnō Anutugō kalem mōriamṅi mosōta yaigep eta laṅ malje.

<sup>5</sup>Laṅ maljemō, neṅōn mōnō Anutugō jeṅe diṅdiṅi akingō jōrōmqōrōmṅi aka awōweṅgōmakzin. Mewō ahinga Uṅa Tōrōṅan inahōm neṅgiiga Anutu mōt narim waṅṅiinga keunini jim tekōi solanibingōra mambōrakzin.

<sup>6</sup>Kraist Jiśōsbuk kininga urugō ōlṅi mōtnarip mi mohotṅan mōnō baukōm neṅgimakza. Anutu mōt nariinga inahōm neṅgiiga amqeba urukalem ak aṅṅuinga dop kōljamō, mōtnarip ōlṅi qahō mi qahō baukōm neṅgimakza. Mewōyōk Anutugō aiwesōkṅi silenine yandiget ahōza me qahō, mi mōnō dop mohot akza. Silegō kun me kun mi Anutugō jeṅe qahō baukōm neṅgima.

<sup>7</sup>Mutuk uru meleṅmeleṅgō aonṅitnōṅ mōnahot ewō ōsumṅinan anget. Ōlōpṅanōk angetmō, bōhi takapulakaṅi kunōṅ kaba siksauk mem enġiba kemaṅe kutuiga keu ōlṅi qahō toroqeba tem kōlakze. <sup>8</sup>Kun daṅōn enġoholakzawi, yaṅōn mōnō kemaṅe kutumegōra qahō tutuhuba kuṅṅum enġimakza. Mi qahō. <sup>9</sup>Yist boromdōkṅi kimbutnōṅ ala plauabuk meleṅninga kōrek pakpak meiga qariba wahōrakza. Miaṅgō dop siksauk morōṅan mōnō dop kōl enġiiga kōrekmakōrek jaṅjuṅ akekup.

<sup>10</sup>Bōhi takapulakaṅi yaṅōn siksauk mem enġiiga jaṅjuṅ ahakzei, Anutunōṅ mōnō yaṅgō ahakmemeṅaṅgō likepṅi meleṅ waṅṅiiga sihimbōlōṅi mōta malma. Nōṅōn Kembubuk kinda mōt narim enġiba enġōra kewō mōta awōsamkakak akzal: Injini Kraistkō Buṅa keu tōrōrōk wuatāṅgōba mōtmōt murutṅi pakpak yakōribingō mōt kōhōiba malme.

<sup>11</sup>O urumeleṅ alaurupni, iṅini mewō malmemō, nōṅōn Kraist maripomnōṅ kōmuyōhaṅgō kōnaṅi jim sehibiga Juda yeṅgō uruṅinan miaṅgōra bōlimakza. Maripomgō keuṅi mosōtpileṅak ewō, mōnō sesewerowero qahō ak niṅgibeak. Anutugō aiwesōk azi sileṅine yandiyandimegō Buṅa keuṅi toroqeba jiba uru kuṅṅum enġibileṅak ewō, mōnō kahasililiṅ qahō ak niṅgibeak. <sup>12</sup>Tosatṅan kuṅṅum enġiba siksauk memakzei, yeṅōn mōnō yandiyandigō keuṅini wuatāṅgōm tekōba nanṅini sile kitipṅini kōrek yandim aṅṅugetka mōtpi dop kōlbawak.

<sup>13</sup>O urumeleṅ alaurupni, Anutunōṅ iṅini kōna walṅaṅgō keunōhōk lolohoba gwarōṅini qahō malmegōra enġoholōkmō, kewōgōra mōnō

ᵛ 5.9 1 Kor 5.6

galöm mem anguba malme, “Mönö lolohoba solanji maljin,” mewö jiba möndöba uruñinan wahöri silegö sihim kömbönañini bölöñan mönö galöm köl engibapuk. Nanjini imbi-imbi qahöpmö, mönö urukalem qakñe kinda welen qem anguba malme. <sup>14</sup>\*Köna keu bohonji mohot wuatangögetka Anutugöreñ keu pakpak mönö mewöyök ölninambuk akñe. Keu bohonji mohok mi kewö, “Nangi jöpaköm angumakzani, miañgö dop mönö ambazip pakpak urugan jöpaköm engimakñan.” <sup>15</sup>Mewö jizapmö, bau kiam ewö angöhöm söksök aka aumakze ewö, mönö nanjini ayuhum angubepuköra töhötnjini pöndañ möta malme. Mewö.

### Uña Töröñan galöm köl engiiga malme.

<sup>16</sup>Nöñön kewö jimam: Uña Töröñan mönö ahakmemenji galöm köliga malme. Mewö malgetka urusilegö sihim kömbönañini bölöñi qei eri kude tem köla wuatangömakñe. <sup>17</sup><sup>a</sup>Miañgö könañi kewö: Urusilegö sihim kömbönañi bölöñan mönö Uña Töröñi qetala lañ köpösöñgöiga Uña Töröñan uru walñangö kukñi qemangö möriga sutñire jujul ahöi aumakzahot. Mewö aumakzahorañgöra eñön yuai ölöpnji aka membingö möta mi osimakze. <sup>18</sup>Mi osimakzemö, Uña Töröñan enguangiriga anda malje ewö, mönö Köna keu bapñe qahö malje.

<sup>19</sup>Urusilegö ahakmeme walñangö nup ölni mi aukñe ahöi mötzin. Mi kewö: Kaisero namböñnamböñ lañ aketka uruñinan tölöhoiga serowilin ahakze. <sup>20</sup>Tandö lopioñ waikñjini memba bemñjini möpöseim engigetka uruñjini sölölohöm engii suña jinañ ahakze. Kerök asuhui angururuk aka aumakze. Kungöreñ yuaigöra urunöñ mututqutut möta eröm ota yom jiba urusñngok ahakze. Nanñinañgörök mötmöriba yuai öröba girinjabak memakze. Jula mendeñ anguba kambuñi kambuñi ala jijiwilit ak angumakze.

<sup>21</sup>Tosatñi yeñgö yuaigöra eksihim möta körögisigisi aka közölömbuan pati ala bau numbu nempa o köhöikñangöra eñololoñ ahakze. Mi aka silik tosatñi mewöñi ahakzei, yeñgöra mutuk jial aka miañgö dop galöm meme keu mi qeljiñe dumñe kunbuk kewö jizal: Ambazip silik mewöñi ahakzei, yeñön mönö Anutugö bemtohoñ uruñe qahö öñgöme.

<sup>22</sup>Yeñön qahöpmö, Uña Töröñan nup memakzawangö ölni mi urukalem, sösoñgai, luai aka ahakmeme ölöpnji kewö: Lömböt pakpak möta mökösoñda tosatñi ala ak engiba ahakmeme sakalakñi ahakze. Keuñi misila pöndañ wuatangömakze. <sup>23</sup>Gunbönjönjön qakñe tosatñi ak engiba nanjini törörök galöm köl angumakze. Ambazip silik mewö ahakzei, yeñön Köna keu qahö qetalakze. <sup>24</sup>Ambazip Kraist Jisösgö buñaya aka maljei, yeñön uru sileninañgö sihim kömbönañini bölöñi aka

\* 5.14 Lew 19.18    <sup>a</sup> 5.17 Rom 7.15-23

bölönɔŋgö urukönöprjini mi körek Jisösbuk maripomnöŋ algetka mem kömuyöhawa malje.

<sup>25</sup>Uŋa Töröŋan urunine geiga maljin ewö, ahakmemenini mönö mewöyök Uŋa miaŋön galöm köl neŋgii aka memba malbin. <sup>26</sup>Mewö mala qetbuŋa omaŋi neŋgimegö kude kapaŋ köla öne töhöŋ kude aiweliköm aŋgumakŋe. Urubölö ak aŋgubepuköra mönö uruköŋgaŋ kude aka uruöngöp qakŋe kude ak aŋgumakŋe. Mewöyök körögisigisi kude ahakŋe. Mewö.

### Lömbötŋini mönö bisiba bauköm aŋgumakŋe.

**6** <sup>1</sup>O urumeleŋ alaurupni, kunŋan köna oŋgita siŋgisöndok aiga miwikŋaize ewö, urumeleŋ alaurup eŋön mönö mökököli qakŋe ala ewö mindiŋgöm waŋgigetka kunbuk köna miwikŋaima. Mewö aka nangk mewöyök esapesapnöŋ et guhubapuköra mönö galöm mem aŋguba malman. <sup>2</sup>Lömbötŋini mönö bauköm aŋguba bisimakŋe. Mewö miaŋön Kraistkö Köna keuŋi wuatangögetka öŋambuk ahakŋa. <sup>3</sup>Kunŋan eretŋi mala töndup nanŋaŋgö möri öŋgöŋgöŋi akzawi, yaŋön mönö nanŋi tilipköm aŋgumakza.

<sup>4</sup>Mewö kude akŋemö, mohot mohot eŋön mönö nanŋini ahakmemeniŋi kewöta esapkögetka dop kölma. Mewö aka alaŋini oŋgita qetbuŋaŋinambuk akzeangöra kude aiwelikömemö, mönö nanŋini könaŋinaŋgörök sileŋini möpöseigetka dop kölma. <sup>5</sup>Anutunöŋ lömbötnini murutŋi murutŋi mendeŋ neŋgiiga nanŋök nanŋök bisimakzin. Miaŋgöra nanini tosatŋi yembuk likeplikep ala kewöt aŋgubingö osimakzin.

<sup>6</sup>Böhi qaqaŋunöŋ kungöra Buŋa keu kusum waŋgimakzawi, yaŋön mönö miaŋgö töwaŋi meleŋda yuaiŋi ölöprjini pakpak mendeŋda bahöŋi waŋgimakŋa.

<sup>7</sup>Nanŋini mönö kude tilipköm aŋgumakŋe. Kunöŋ nene warökŋi kömöriŋa öŋi miaŋgö dop ahui miwikŋaima. Keu miaŋgö dop Anutunöŋ bölönamnini eka likeprjini miaŋgö dop neŋgima. Miaŋgöra Anutu mi azi omaŋi ewö mepaqepaik ak waŋgibingö osimakzin. <sup>8</sup>Urusilegö sihim kömbönaŋi bölönan kun nam köl waŋgiiga miaŋgö warökŋi laŋ kömörakzawi, yaŋön mönö miaŋgö köndenmöndeŋi miwikŋaiba bölimakŋa. Yaŋön bölimakŋapmö, Uŋa Töröŋan kun sölölöhöm waŋgiiga miaŋgö warökŋi kömörakzawi, yaŋön mönö öŋi miaŋgö dop miwikŋaiba malmal köhöikŋaŋgö buŋaya aka malma.

<sup>9</sup>Nini jegep kinda nup ölöprjini ölöprjini memba mala miaŋgöreŋ mönö löwöriŋa zölokzölok kude akŋe. Tanŋaŋ aka nup qahö mosötpin ewö, öŋi meme nalöŋan kam kuŋguiga nupninaŋgö töwaŋi mönö miwikŋaibin.

<sup>10</sup>Miaŋgöra gölmenöŋ malbinaŋgö dop neŋön mönö ambazip ölöprjini ak eŋgibingö jegep kinda malbin. Urumeleŋ könagesö uruŋe maljei, i mutuk alabauk ak eŋgimakin aka yeŋgö andöŋjine ambazip tosatŋi pakpak köna asuhuiga mem ölöwak eŋgimakin.

### Galöm meme aka yaizözkök keu teteköni

<sup>11</sup>Pol nöñön kirifi memba nani börönan kulem je ketanji ki engöra ohozali, mi ekje. <sup>12</sup>Ambazip Anutugö aiwesökñi sileñine yandimegöra kuñgum engimakzei, yeñön mönö körek sile megetka gölme ambazipnöñ yeñgöra mötket öngömäpköra kapan kölakze. Kraistnöñ maripomnöñ kömuyöhi, keu miañgöra sesewerowero ak engibepüköra mönö mewö kuñgum engimakze. Miañgö könañi murutñi kun qahö. <sup>13</sup>Anutugö aiwesökñinambuk mieñön mönö nanñinak mewöyök Köna keu qahö wuatangöm teköba malje. Mewö qahöpmö, engö sileñini yandimegö mötzeañön mönö engö sile kitipñinañgöra aka nanñini sileñini mem öngöba qetbuñanambuk akingö mörakze.

<sup>14</sup>Mewö mörakzemö, nöñön Kembunini Jisös Kraist maripomnöñ kömuyöhi, mönö Buña miañgöra aka sileni möpöseimakzal. Qetbuña murutñi kun qahö jarumakzal. Mi yapmakek! Kraistnöñ maripomnöñ kömuiga yambuk toroqebiga mötmöt areñnan uteköiga silik bölöñangö sisitñi memakzal. Gölme ambazipnöñ silegö ahakmeme bölöñi memingö mötmöröba keu jimakzei, nöñön mönö miañgöreñ göröken köhömuñi tandök akzal. Möpöseim niñgime me silene keu almei, miañgö likepñi mi qahö meleñmam. Gölmenöñ keu kewöta tosatñi mötket öngöi tosatñi mötket eretñi akzawi, mi mönö nöñgö mötmöt areñbuk dop mohot qahö akzahot.

<sup>15</sup>Silenine aiwesök yandiget me qahöwi, miañön mönö dop mohot akza. Miañön gorosonñi akzapmö, ahuahü dölökñangö dömnñi akzini, miañön mönö öl töhöññi akza. <sup>16</sup>Ambazip ahuahü dölökñangö jimkutukutu keu wuatangöba maljei, Anutunöñ Juda körek mi aka Anutugö urumeleñ köñagesö pakpak iñini mönö ak kömum engiiga luainöñ malme.

<sup>17</sup>Keu teteköñi kewö jizal: Nöñön Jisös qegerangö löpötñi mi nani silene ahöiga bisimakzalañgöra kunöñ mönö urulömböt kude toroqem niñgima.

<sup>18</sup>O urumeleñ alaurupni, Kembunini Jisös Kraistkö kalem möriamñan mönö embuk ahöba uñanñini kötuetkömakña. Keu mi öñja.